

– Այդ մարդիկը, ասենք թե, օտարներ են, դու խօսիմ տան բոլոր ծակուծուկը գիտես, ինչո՞ւ չէիր տեղ ցոյց տալիս: – Նա դարձաւ դէպի մեզ, ասելով, – եկէք:

Նա տարաւ մեզ մի երեսը բաց սրահ (էյրան), որ նայում էր դէպի պարտեզը: Սրահի բաց կողմը բաժանուած էր պարտեզից փայտեայ վանդակապատով, իսկ նրա միջից բացուում էր մի դուռ դէպի միւս սենեակները: Սրահը տան ամառնային կեցութեան համար էր:

– Աղջի, Ծովինար, ո՞ւր ես, – ձայն տոեց նա:

Սենեակի դուռը բացուեցաւ, եւ ներսից յայտնուեցաւ մի գեղեցիկ աղջիկ, տասնչորս տարեկան, որի արախչինը ամբողջապէս ծածկուած էր արծաթեայ եւ ոսկեայ դրամներով եւ թասի ձեւ էր ստացել: Արախչինի տակից սփռուած էին նրա թիկունքի վրայ, առանց հիւսերի, արծակ ծամերը եւ կիսով չափ սքօղում էին նրա թուխ դէմքը: Աղջիկը անելի քաղաքավարի գտնուեցաւ, քան թէ հայրը. երբ որ տեսաւ մեզ, հեռոցից գլուխ տոեց եւ լուռ կանգնեց, սպասելով հոր հրամանին:

– Բեր այստեղ մի շոր քցիր, որ այդ մարդիկը նստեն, – ասաց հայրը:

Աղջիկը շուտով ջուր բերեց, ճարպիկ մատներով սրկեց սրահի կառով ծեփած յատակի վրայ, յետոյ տարածեց եղէգներից հիւսած ընդարձակ հասիորը, իսկ նրա վրայ՝ մի քանի նախշուն կապերտներ: Մենք կանգնած սպասում էինք, մինչեւ նա իր գործը վերջացնի:

– Մի մինդար էլ բեր այդ պարունի համար, – նա ցոյց տոեց Ասլանի վրայ, – այդ պարունը ֆրանկ է, նրա տեղը պետք է փափուկ լինի, իսկ մենք չոր գետնի վրայ էլ սովոր ենք նստել:

Աղջիկը ներս վազեց, բերեց մինդարը, տարածեց իր պատշաճաւոր տեղում: Ասլանը նստեց, իսկ ես ոտքի վրայ կանգնած մնացի:

– Դու ինչո՞ւ այդպէս ցցուած մնացիր, կարծես փայտ է կուլ տոել, նստել չէ կարող, – ասաց մեր հիւրընկալը եւ, տեսնելով, որ ես փոքր-ինչ ծանր շարժուեցայ, բռնեց իմ ոտից եւ իր ձեռքի երկաթի ծանրութեամբ համարեա թէ ինձ թխեց կապերտի վրայ:

Ես չգիտէի ինչպէս ընդունել այդ վայրենի փաղաքշանքը: Ես սաստիկ բարկացայ, մանաւանդ երբ տեսայ, որ սիրուն աղջիկը ձեռքով աչքերը բռնեց եւ ծիծաղելով փախաւ միւս սենեակը: Ես իմ մտքում արդէն սկսել էի տրտնջալ վարպետ Փանոսի վրայ: Իչո՞ւ այստեղ բերեց մեզ, միթե՞՞ ամբողջ գիւղում մի օրինաւոր տուն չկար: Բայց Ասլանի դէմքի վրայ դժգոհութեան նշաններ չէին երեւում: